

- (3) Ukoliko kandidat ne pristupi polaganju stručnog ispita u zakazanom terminu ni nakon drugog odgađanja, smatra se da je odustao od zahtjeva za polaganje stručnog ispita i gubi pravo na povrat uplaćenog iznosa za polaganje stručnog ispita.
- (4) Kandidat koji je odgodio polaganje stručnog ispita u skladu sa stavom (2) ovog člana dužan je za svako odobrenje naknadnog termina za polaganje stručnog ispita uplatiti dodatnih 25% novčanih sredstava od utvrđene visine naknade za polaganje stručnog ispita.
- (5) Kandidat koji ni nakon drugog odgađanja u skladu sa stavom (2) ovog člana ne pristupi polaganju stručnog ispita može podnijeti novi zahtjev za polaganje stručnog ispita, koji podrazumijeva vođenje postupka kao da prvi put podnosi zahtjev za polaganje stručnog ispita."

Član 5.

Član 23. mijenja se i glasi:

"Član 23.

(Troškovi polaganja)

- (1) Troškove polaganja stručnog ispita snosi kandidat.
- (2) Dokaz o uplati sredstava za polaganje stručnog ispita kandidat je dužan dostaviti Ministarstvu pravde BiH najkasnije u roku tri dana od dana prijema rješenja iz člana 9. stav 1. Odluke. U protivnom, kandidat neće biti uvršten u spisak kandidata za polaganje stručnog ispita u vremenu određenom u rješenju."

Član 6.

U članu 26. stavu (2) riječi "ocjenu uspjeha na ispitu" brišu se.

Član 7.

Član 27. mijenja se i glasi:

"Član 27.

(Osoba oslobođena od polaganja stručnog ispita)

Stručni ispit ne polaže osoba koja ima položen pravosudni ispit".

Član 8.

Član 28. mijenja se i glasi:

"Član 28.

(Oslobađanje obaveze polaganja)

- (1) Osoba koja je stručni ispit položila u okviru drugih struka oslobađa se obaveze polaganja stručnog ispita u smislu ove odluke, pod uvjetom da program stručnog ispita u osnovi odgovara programu stručnog ispita iz člana 4. ove odluke.
- (2) Osoba koja je stručni ispit položila u okviru drugih struka, a program tog stručnog ispita ne sadrži sve predmete iz člana 4. ove odluke, oslobađa se obaveze polaganja predmeta koje je položila u okviru stručnog ispita drugih struka, s tim što je obavezna polagati razliku predmeta iz člana 4. ove odluke."

Član 9.

Član 30. mijenja se i glasi:

"Član 30.

(Priznavanje stručnog ispita)

Osobi koja je položila stručni ispit prema propisima u Federaciji Bosne i Hercegovine, Republici Srpskoj, Distriktu Brčko Bosne i Hercegovine i kantonima priznaje se stručni ispit u smislu ove odluke, pod uvjetom da program tog stručnog ispita odgovara programu iz člana 4. ove odluke."

Član 10.

Član 31. mijenja se i glasi:

"Član 31.

(Promjena školske spreme)

Osoba koja je poslije položenog stručnog ispita za odgovarajuću školsku spremu stekla viši stepen školske spreme od školske spreme za koju je položila stručni ispit dužna je polagati stručni ispit naknadno stečene školske spreme."

Član 11.

Iza člana 31. dodaju se novi članovi 31.a i 31.b, koji glase:

"Član 31.a

(Donošenje Rješenja)

- (1) Ministar pravde BiH donosi Rješenje iz člana 28. i 30. Odluke po zahtjevu stranke.
- (2) Podnosilac zahtjeva podnosi pisani zahtjev Ministarstvu pravde Bosne i Hercegovine.
- (3) Uz zahtjev se prilaže:
- ovjerena fotokopija Uvjerenja o položenom stručnom ispitu;
 - plan i program ispita položenog u okviru drugih struka;
 - izvod iz matične knjige rođenih, u slučaju promjene prezimena, i
 - dokaz o uplati administrativne takse.

Član 31.b

(Prijelazna odredba)

Stručni ispit nije dužna polagati osoba koja je položila javni ispit pred Agencijom za državnu službu Bosne i Hercegovine, do dana stupanja na snagu ove odluke."

Član 12.

(Stupanje na snagu)

Ova odluka stupa na snagu osmog dana od dana objavljivanja u "Službenom glasniku BiH".

VM broj 224/12

4. decembra 2012. godine
Sarajevo

Predsjedavajući

Vijeća ministara BiH
Vjekoslav Bevanda, s. r.

Na temelju članka 56. stavka 7. Zakona o radu u institucijama Bosne i Hercegovine ("Službeni glasnik BiH", br. 26/04, 7/05, 48/05 i 60/10) i članka 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), na prijedlog Ministarstva pravde Bosne i Hercegovine, Vijeće ministara Bosne i Hercegovine, na 30. sjednici održanoj 4.12.2012. godine, donijelo je

**ODLUKU
O IZMJENAMA I DOPUNAMA ODLUKE O UVJETIMA
I NAČINU POLAGANJA STRUČNOG UPRAVNOG
ISPITA PRIPRAVNIKA, OSOBA S VISOKOM
ŠKOLSKOM SPREMOM I ZAPOSLENIKA NA RAZINI
BOSNE I HERCEGOVINE**

Članak 1.

U Odluci o uvjetima i načinu polaganja stručnog upravnog ispita pripravnika, osoba s visokom školskom spremom i zaposlenika na razini Bosne i Hercegovine ("Službeni glasnik BiH", broj 104/10). u članku 4. točka a) mijenja se i glasi:

"a) Osnove ustavnog sustava i europske integracije"

Članak 2.

U članku 6. iza stavka (2) dodaje se novi stavak (3) koji glasi:

"(3) U slučaju povećanja broja zaprimljenih zahtjeva za polaganje stručnog ispita s visokom školskom spremom, ministar pravde BiH može imenovati još jedno